

Әлеуметтік жұмыс орындарын ұйымдастыру және қаржыландыру ережесі туралы

Күшін жойған

Байзақ аудандық әкімиятының 2003 жылғы 28 қарашадағы N 225 қаулысы. Жамбыл облыстық әділет департаментінде 2004 жылғы 4 ақпанда N 1193 тіркелді. Күші жойылды - Жамбыл облысы Байзақ ауданы әкімдігінің 2012 жылғы 9 ақпандағы № 59 қаулысымен

Ескерту. Күші жойылды - Жамбыл облысы Байзақ ауданы әкімдігінің 2012.02.09 № 59 Қаулысымен.

Қазақстан Республикасының 2001 жылғы 23 қаңтарында қабылданған " Қазақстан Республикасындағы жергілікті мемлекеттік басқару туралы" Заңының 31 бабының 13 тармағын басшылыққа ала отырып, Қазақстан Республикасының "Халықты жұмыспен қамту туралы" Заңының 7-ші бабының 6 тармағына сәйкес, аудандық әкімият **ҚАУЛЫ ЕТЕДІ:**

1. Аудан аумағында әлеуметтік жұмыс орындарын ұйымдастыру ережесі N 1 қосымшаға сәйкес бекітілсін.

2. Аудандық еңбек, жұмыспен қамту және халықты әлеуметтік қорғау басқармасына (Б.Е. Абдрахманова) әлеуметтік жұмыс орындарын ауыл әкімдері мен жұмыс берушілер сұраныстарын ескере отырып, ережеге сәйкес ұйымдастыруды қамтамасыз ету тапсырылсын.

3. Осы қаулының орындалуына бақылау жасау аудан Әкімінің орынбасары Ә. Қ и л ы б а е в қ а жүктелсін.

Аудан Әкімінің міндетін

уақытша атқарушы

А у д а н	ә к і м и я т ы н ы ң
2003 жылдың 28 қарашадағы	N 225
"Әлеуметтік жұмыс орындарын	ұйымдастыру
және қаржыландыру	туралы"
ережесі	
қаулысына N 1 қосымша	

Аудан аумағында әлеуметтік жұмыс орындарын ұйымдастыру ережесі

1. Жалпы ережелер

Осы ереже ауданда меншік нысанына қарамастан барлық мекемелерде жұмыссыздар ішіндегі нысаналы топқа жататын азаматтарды жұмысқа орналастыру мақсатында әлеуметтік жұмыс орындарын ұйымдастыру және оны қаржыландыру тәртібін белгілейді.

2. Ережеде қолданылатын негізгі түсініктер

1) Әлеуметтік жұмыс орны - жұмыссыздар арасындағы нысаналы топқа жататын азаматтарды жұмысқа орналастыру, оларға төленетін еңбек ақыларының бір бөлігін жергілікті бюджет арқылы өтей отырып, жұмыс берушілердің жазбаша түрдегі келісімімен ашылатын жұмыс орны.

2) Нысаналы топ - жұмысқа орналасуда қиындық көріп жүрген және әлеуметтік қорғауды аса қажет ететін азаматтар.

3) Әлеуметтік жұмыс орнына орналасқан жұмыссыздарға еңбек, зейнетақымен қамсыздандыру және сақтандыру туралы заңнамалық кесімдері қолданылады.

4) Жұмыспен қамту мәселелері жөніндегі уәкілетті орган жұмыссыздардың ішіндегі нысаналы топқа жататындарын әлеуметтік жұмыс орындарына орналасуына ықпал етеді.

3. Әлеуметтік жұмыс орнына орналастырудың ұйымдастырылуы мен тәртібі

1) Әлеуметтік жұмыс орны - жұмыс берушінің қаражаты есебінен анықталады немесе құрылады және осы жұмыс орындарына қабылданған жұмыссыздардың еңбек ақыларына төленетін шығынның бір бөлігі, жергілікті бюджет есебінен өтеледі.

2) Аудандық еңбек, жұмыспен қамту және халықты әлеуметтік қорғау басқармасы жұмыссыздар арасындағы нысаналы топқа жататын азаматтарды әлеуметтік жұмыс орнына орналастыруға және олардың еңбек ақыларына төленетін шығынның бір бөлігін өтеу мақсатында жұмыс берушілермен келісім-шартқа отырады.

3) Жұмыссыздарды әлеуметтік жұмыс орындарымен қамтамасыз ету және олардың еңбек ақысына арналған бюджет қаражаттарын нәтижелі пайдалану мақсатында тиісті әкімшілік аумақтық бірліктер (ауыл әкімдері) жұмыс берушілердің жазбаша келісіміне сүйене отырып, халықтың нысаналы тобына

жататын азаматтарды орналастыруға арналған әлеуметтік жұмыс орындарын анықтайды.

4) Келісім-шартқа сәйкес, жұмыссыз азаматтарды әлеуметтік жұмыс орнына орналастыру, аудандық еңбек, жұмыспен қамту және халықты әлеуметтік қорғау басқармасы арқылы жүргізіледі.

4. Әлеуметтік жұмыс орнын қаржыландыру көздері мен шарты

1) Әлеуметтік жұмыс орнына қабылданған жұмыссыздарға еңбек ақы төлеу жеке еңбек шартының негізінде жұмыс беруші арқылы ай сайын, орындалатын жұмыстың санына, сапасына және күрделілігіне байланысты болады.

2) Әлеуметтік жұмыс орнына орналасқан жұмыссыздың еңбек ақысына төленетін жұмыс берушінің шығыны Қазақстан Республикасының "2004 жылға арналған Республикалық бюджет туралы" Заңымен бекітілген ең төменгі жалақының бір бөлігі көлемінде жергілікті бюджет есебінен қайтарылады және жұмыс істеу мерзімі алты айдан аспауы тиіс. Бюджет есебінен қайтарылатын қаржы ай сайын жұмыс берушінің есеп-шотына келісім-шартқа сәйкес аударылып отырылады.

3) Әлеуметтік жұмыс орнына орналасқан жұмыссыздардың жергілікті бюджет есебінен есептелген жалақысына заңнамада белгіленген тәртіппен салық салынады.

4) Әлеуметтік жұмыс орнына орналасқан жұмыссыздарға еңбек ақы төлеу нақты атқарылған жұмыс көлеміне сәйкес анықталады.

5) Жұмыс беруші жергілікті бюджеттен түскен қаражатты әлеуметтік жұмыс орнына орналасқан жұмыссыздарға кеткен шығынның орнын жабуға пайдаланады.

5. Әлеуметтік жұмыс орындарды ұйымдастыру мен қаржыландырудың тәртібін бақылау

Әлеуметтік жұмыс орындарын ұйымдастыру мен қаржыландырудың тәртібін бақылауды мемлекеттік органдар заңнамада белгіленген тәртіппен жүзеге асырады.